

پروگرام مالی صلیب سرخ بلده خشونت داخلی و خانگی

پروگرام مالی (پولی) صلیب سرخ بلده خشونت داخلی و خانگی (Family and Domestic Violence – FDV) بلده کساییکه شرط ره پوره مومن و ویزه موقت دیرن یا وضعیت ویزه شی نا مالوم استه، خشونت مین خانه را تجربه مومن و ده کمک مالی ضرورت دیرن، کمک مالی یا پولی مونه.

اگه شمو معیارای تا ره دیرین، ممکن استه شرایط ره پوره کینین:

- شمو تابعیت استرالیا ره نه دیرین یا ویزه دایمی شی ندیرین، و
- شمو خشونت خانگی و داخلی ره تجربه مومنین یا خطر شی استه که تجربه کینین، و
- شمو مشکلات مالی ره تجربه مومنین

چی رقم کمک میگروم؟

شمو میتینید بلده کمک از طریق آن لاین ده ویب سایت تا درخواست بیدین www.redcross.org.au/familyviolencerelief.

اگه بلده درخواست دیدو ده کمک ضرورت دیرین، ده ساعتای کاری، از دوشنبه تا جمعه، از طریق شماره تلفون 1800 RED CROSS (1800 733 276) یا ایمیل که ده تا دیده شیده قد صلیب سرخ ارتباط بیگرید

NAT_FDV_PILOT@redcross.org.au.

ارتباط گرفتون شوم قد صلیب سرخ تاشه مومنه. معلومات ره که شمو قد درخواست خو میدید، شیجیر محفوظ مومنه.

اگه ده ترجمان ضرورت دیرین، میتینید از طریق شماره تلفون 131 450 قد دفتر خدمات ترجمه ارتباط بیگرید و نام زیون خوره گفته ازونا بخایید که شمو ره قد شماره 1800 733 276 رخ کینه.

یک مشتری ره چی رقم سفارش کینی

اگه یگو نفر ده حال حاضر از طرف اداره متخصص خشونت داخلی و خانگی یا یگو اداره دیگه کمک میگره، چابوک ترین و محفوظ ترین راه شی ای استه که او اداره ده ویب سایت تا رفته، فارم سفارش ره پور کینه و قد مشتری کمک کینه که خود شی خود خوره رجستر کینه.

کمک اضافی میسر استه

کمک اضافی از طریق خدمات مفت که نام شی ده تا دیده شده میسر استه

نمبر تلفون سرتاسری کمک ده ارتباط حمله جنسی و خشونت داخلی **1800 737 732 1800 RESPECT**

نمبر تلفون کمک ده ارتباط بحران و پیش گیری از خودکشی **13 11 14**

نمبر تلفون کمک بلده زووزتو **1800 55 1800**

بلده معلومات زیادتر، ده ویب سایت که ده تا دیده شده سر بیزنید www.redcross.org.au/familyviolencerelief